

A K T I V N O S T I

**BOŠNJAČKOG NACIONALNOG VIJEĆA
U 2017. GODINA**

I Z V J E Š T A J O R A D U

IZVJEŠTAJ O RADU BOŠNJAČKO NACIONALNO VIJEĆE 2017. GODINA

Bošnjačko nacionalno vijeće je u 2017. godini održalo 7 sjednica:

- 3 redovne sjednice Vijeća
 - o 15.05.2017. 7. redovna sjednica
 - o 14.07.2017. 8. redovna sjednica
 - o 21.12.2017. 9. redovna sjednica
- 3 svečane sjednice Vijeća i 1 posebnu
 - o 19.08.2017. Svečana sjednica povodom obilježavanja 100. godišnjice od održavanja „Sjениčke konferencije“
 - o 11.10.2017. Svečana sjednica – povodom posjete Predsjednika Republike Turske Recepta Tayyipa Erdođana
 - o 27.10.2017. Posebnu sjednicu Bošnjačkog nacionalnog vijeća povodom obilježavanja Dana samoopredjeljenja u čast referendumu građana Sandžaka koji je održan od 25. do 27. oktobra 1991. godine
 - o 20.11.2017. godine – Svečana sjednica povodom Dana Sandžaka

Izvršni odbor u 2017. godini je održao ukupno 18. sjednica i razmatrao brojne teme, zahtjeve i prijedloge i donio zaključke i odluke u vezi sa istim.

U 2017. godini Izvršni odbor Vijeća je pripremio prijedlog odluke o budžetu, pripremio prijedlog odluke o rebalansu budžeta, razmatrao i danio odluke na ukupno 92 zahtjeva pravnih i fizičkih lica, 7 zahtjeva za imenovanje direktora škola i 2 zahtjeva za imenovanjem školskih odbora.

U Bošnjačkom nacionalnom vijeću tokom 2017. godine redovno su održavane sjednica odbora Vijeća, službi i drugih tijela Vijeća na kojima su razmatrana razna pitanja iz svojih oblasti te po istim dostavljana mišljenja, zaključci i stavovi.

Bošnjačko nacionalno vijeće su tokom 2017. godine posjetili predstavnici domaćih i međunarodnih institucija, ambasada i organizacija a također predstavnici Vijeća su posjetili institucije, međunarodne i domaće, te održali sastanke sa ambasadama i organizacijama.

U Oblasti zaštite i unapređenja kulture Bošnjaka Vijeće je organizovalo proslave i obilježavanja značajnih datuma, bitnih za Bošnjake kao i veliki broj manifestacija, od kojih izdvajamo:

- 21. februar – DAN ŠKOLSTVA NA BOSANSKOME JEZIKU
- 11. maj - DANA ZASTAVE
- 11. jul – DAN SJEĆANJA
- U avgustu - 100. godina od održavanja Sjeničke konferencije i potpisivanja Sjeničke rezolucije
- 25-27. oktobar – DANI SAMOOPREDJELJENJA
- 20. NOVEMBAR – DAN SANDŽAKA

Veoma važnim smatramo i to da je Vijeće u 2017. godini potpisalo sporazume o saradnji sa više institucija i organizacija:

1. Protokol o saradnji sa Vijećem kongresa bošnjačkih intelektualaca i Bošnjačkim vijećem u Crnoj Gori, 23.12.2017. godine
2. Sporazum o saradnji sa Vladom Bosansko-podrinjskog kantona Goražde, 07.12.2017. godine,
3. Sporazum o saradnji sa Ministarstvom obrazovanja, nauke, kulture i sporta Zeničko – dobojskog kantona iz Bosne i Hercegovine, 02.07.2017. godine,
4. Sporazum o saradnji sa Ministarstvom obrazovanja i nauke Federacije Bosne i Hercegovine, 26.05.2017. godine,

Bošnjačko nacionalno vijeće je organizovalo skupove, seminare, okrugle stolove, tribine, promocije, prezentacije, izložbe slika i druge događaje;

IZRADA PRAVNOG OKVIRA ZA MANJINE

Bošnjačko nacionalno vijeće je i u toku 2017. godine aktivno učestvovalo u radu Radnih grupa za izmjenu

- Zakona o nacionalnim savjetima nacionalnih manjina i
- Zakona o zaštiti prava i sloboda nacionalnih manjina, kao i u svim sastancima, skupovima i javnim raspravama u vezi sa ova dva zakona. Bošnjačko nacionalno vijeće je izradilo analizu i dalo svoje komentare na ova dva zakona te izradilo svoj prijedlog izmjena i dopuna ova dva zakona.
- Bošnjačko nacionalno vijeće dalo je svoje komentare na sprovođenje akcionog plana i prijedloge rješenja za svih 11 oblasti kojima se bavi Akcioni plan za manjine.
- Bošnjačko nacionalno vijeće je izradilo komentar o sprovođenju evropske povelje o regionalnim i manjinskim jezicima vezano za primjenu Bosanskog jezika u R. Srbiji.

- 23.01.2017. – Drugi sastanak Posebne radne grupe za pripremu teksta Nacrta zakona o izmenama i dopunama Zakona o nacionalnim savetima nacionalnih manjina – (Министарство државне управе и локалне самоуправе)
- 07.02.2017. – Sastanak Posebne radne grupe za pripremu teksta Nacrta zakona o izmenama i dopunama Zakona o nacionalnim savetima nacionalnih manjina, u prostorijama Ministarstva državne uprave i lokalne samouprave.
- 02.02.2017. – Četvrti sastanak Posebne radne grupe za pripremu teksta Nacrta zakona o izmenama i dopunama Zakona o nacionalnim savetima nacionalnih manjina.
- 16.03.2017. – Sastanak članova radne grupe za izmenu i dopunu Zakona o nacionalnim savetima nacionalnih manjina: Emil Lulić, Suzana Kujundžić-Ostojić, Miroslav Vitez, Ahmedin Škrijelj
- 30.05.2017. – Peti sastanak Posebne radne grupe za pripremu teksta Nacrta zakona o izmenama i dopunama Zakona o nacionalnim savetima nacionalnih manjina, na sastanku će se razmatrati radni tekst Prednacrta zakona, koji je pripremljen u saradnji sa predstavnicima nadležnih državnih organa u čijem delokrugu su poslovi koji se odnose na zakonom propisana ovlašćenja nacionalnih saveta (u prilogu mejla).
- 29.06.2017. – 6. sastanak Posebne radne grupe za pripremu teksta Nacrta zakona o izmenama i dopunama Zakona o NSNM
- 25.10.2017. – okrugli stol na temu "Izmene i dopune Zakona o pravima i slobodama nacionalnih manjina", koji se organizuje u okviru projekta unapređenja komunikacije manjinskih zajednica, institucija i medija u Republici Srbiji. - Centar za istraživanja migracija
- 30.10.2017. - VII sastanak Posebne radne grupe - Zakon o NSNM

KOORDINACIJA NACIONALNIH VIJEĆA

BOŠNJAČKO NACIONALNO VIJEĆE U 2017. GODINI PREDSEDVAVALO JE KOORDINACIJOM NACIONALNIH VIJEĆA

To je važan organ za rad nacionalnih savjeta koji čine predstavnici 21 nacionalne manjine.

U toku 2017. godine održano je 5 sjednica Koordinacije nacionalnih savjeta nacionalnih manjina na kojima su razmatrana zajednička i značajna pitanja u vezi sa ostvarivanjem prava nacionalnih zajednica kao i sa radom nacionalnih savjeta u Republici Srbiji.

Predstavnici koordinacije učestvovali su na sastancima Republičkog Saveta za nacionalne manjine te održavali sastanke sa predstavnicima domaćih i međunarodnih institucija.

Vijeće je do 12. maja 2017. godine predsjedavalo Koordinacijom nakon čega je predsjedavanje Koordinacijom preuzelo mađarsko nacionalno vijeće

31.01.2017. - Sastanak predstavnika Koordinacije sa ministarkom Anom Brnabić.

04.02.2017. - Sjednica Koordinacije

09.02.2017. - Sastanak predstavnika Koordinacije sa predstavnicima zajedničkog programa Evropske unije i Savjeta Evrope pod nazivom Horizontal Facility, Beograd

09. 05. 2017. - Sastanak Koordinacije, priprema za sjednicu Republičkog savjeta za manjine

23.05.2017. - Sjednica Saveta za nacionalne manjine kojom predsjedava premijer Vlade Republike Srbije Ana Brnabić.

08.06.2017. - Sastanak Koordinacije

04.07.2017. - Sjednica Koordinacije

21.09.2017. - Sjednica Koordinacije

04.10.2017. - Sjednica Saveta za nacionalne manjine

20.10.2017. - Sastanak predstavnika Koordinacije sa ministrom DULS

OBAVJEŠTAVANJE JAVNOSTI

Bošnjačko nacionalno vijeće u skladu sa zakonom, zauzima stavove, pokreće inicijative, i preduzima mjere po svim pitanjima koja su neposredno vezana za status, identitet i prava Bošnjaka, predviđena Ustavom i zakonima.

Bošnjačko nacionalno vijeće je tokom 2017. godine izdalo 386 saopćenja, najava za medije i održalo više konferencija za medije o radu Vijeća i o raznim temama kojima se Vijeće bavi.

Takođe izražavani su stavovi Vijeća kroz razne emisije, novine kako u Srbiji tako i u inostranstvu.

Iz saopćenja Bošnjačkog nacionalnog vijeća, izdvajamo regiranja na sljedeće događaje:

- Oštro osuđivanje ubistva Fahrudina Skarepa, saopćenje izdato 02. oktobra. 2017.godine.
- Vijeće je pozdravilo odluku Haškog tribunala kojom je Ratko Mladić osuđen za genocid i druge zločine, saopćenje izdato 23. novembra.
- 22.10. 2017. godine, održan je Međunarodni naučni skup sa kojeg je poslat poziv međunarodnoj zajednici da u procesu evropskih integracija zapadnog Balkana riješi status Sandžaka, da uspostavi vladavinu prava, pravnu sigurnost i jednakost pred zakonom na teritoriji ove regije i tako osigura građanima

Sandžaka ostvarivanje prava na život, slobodu, sigurnost i ekonomski razvoj bez uslovljavanja. Poziv je upućen predsjedniku i premijeru Republike Srbije, Ambasadama i međunarodnim institucijama u Srbiji.

- Posebno izdvajam i konferenciju za medije, 03.11.2017. „Riješiti Status Sandžaka“, kada je predsjednik Vijeća naglasio da je neophodno riješiti status Sandžaka u procesu evropskih integracija u skladu sa rezultatima referendumu građana Sandžaka. I pozvao srpsku vladu, Evropsku Uniju, Sjedinjene Američke Države i ostale zemlje koje su učestvovala na Mirovnoj konferenciji o raspadu bivše Jugoslavije, i na Međunarodnoj konferenciji u Londonu i Ženevi, da ove činjenice uvažavaju i ozbiljno uzmu u obzir i da pristupe reviziji Akcionog plana za poglavlje 23. i 24. i Akcionog plana za manjine i da ih ugrade u taj akcioni plan.

Bošnjačko nacionalno vijeće je početkom 2017 godine uputilo Zahtjeve za pristup informacijama od javnog značaja na 109 adresa, lokalnim samoupravama i preduzećima, MUP-u, sudovima, tužilaštvima i republičkim institucijama u Sandžaku, od kojih su na osnovu Zakona o slobodnom pristupu informacijama od javnog značaja zatražene informacije o službenoj upotrebi bosanskog jezika i pisma, procentualnoj zastupljenosti Bošnjaka odnosno nacionalnoj strukturi zaposlenih.

Vijeće je tokom 2017. godine učestvovalo i prisustvovalo brojnim sastancima, tribinama, okruglim stolovima, akademijama i drugim događajima koji su organizovale razne institucije, ambasade i druge organizacije kako u Novom Pazaru, Sandžaku i u Srbiji tako i inostranstvu, davalo je podršku nevladinim organizacijama i njihovim projektima, ali i organizovalo naučne skupove, tribine i okrugle stolove iz kojih izdvajamo okrugli sto „Vladavina prava – pravo na službenu upotrebu bosanskog jezika i pisma“ na kojem su učestvovali predstavnici državnih organa sa teritorija jedinica lokalnih samouprava u kojima je u službenoj upotrebi bosanski jezik i pismo, grad Novi Pazar i opštine Prijepolje, Tutin i Sjenica. Cilj okruglog stola je bio razmjena iskustava i unaprjeđenje saradnje na ostvarivanju prava na službenu upotrebu bosanskog jezika i pisma..

OSTALI PODACI O RADU VIJEĆA

Bošnjačko nacionalno vijeće tokom 2017. godine redovno izrađivalo izvještaje, presjek stanja, informisanje u vezi sa radom Vijeća, te izradilo više izvještaja, zapisnika, transkripata, obavještenja, pregleda i sl.

Bošnjačko nacionalno vijeće radi na transparentnosti Vijeća i u skladu sa tim pokrenulo i mjesečne susrete sa predstavnicima medija i nevladinog sektora, redovno se ažurira sajt Vijeća i šalju se saopćenja za javnost.

Bošnjačko nacionalno vijeće je u 2017. godini obradilo **1090** unikatnih dokumenata (dopisa, informacija, izvještaja i dr. poslatih i primljenih dokumenata), uputilo više od **3000** pojedinačnih emailova, primilo preko **4000** pojedinačnih emailova (saopćenja, dopisa, poziva, obavještenja, izvještaja i dr.) koji su obrađeni, proslijeđeni, na koje je odgovoreno i sl.

U Novom Pazaru
03.01.2018.godine

Bošnjačko nacionalno vijeće
Administracija u Glavnom uredu Vijeća
Samer Jusović



BOŠNJAČKO NACIONALNO VIJEĆE
NOVI PAZAR, JANUAR 2018.